



АС САЛАМ

БИСМИЛЛАГЪИ ПРАХИМАНИ ПРАХИМ

www.assalam.ru

№ 04 (100)

15 апрель 2010 шин
джумад-ул-аввал 1431 шин
Багъа 17 къ.

assamlak@mail.ru

3 Аьлимтурал
ххулийх
най



4 Мубараксса
къутги



7 ИхІсан –
Исламрал рухІ



НА ЛАКСКОМ ЯЗЫКЕ

БУСУРМАННАЛ РУВХИАНИЙССА ККАЗИТ



**Ххирасса уссурвал ва
ссурвал!**

Аьрасатнаву ва Дагъусттаннай хъанахисса терактирттал хъхъичра-хъхъичі Исламран ва бусурманнан хъунмасса зарал биян буллалиссар. Инсантал литлансса пикри цанасса халкъуннал бакІурдивун буххан буллай бур, амма къанкъану учин бюхъанссар, дяъви бакъасса, паракъатсса чумал цу-унугу ивчІан шихъчІав ихтияр дакъашиву.

Совет хІукуматрал чумал дин дурурчусса республика

так ца Дагъусттан хъанай бур. На уттигъанну уссияв цапшара бусурманнал хІукуматирттаву, мунияту ттуща къанкъану учин бюхъанссар, жулла Ватанналий кунна Ислам машгъур хъанай чІучІав дакъашиву.

Цири миннан мйяжанну-гу ччисса? Ва суалланухъхъун жаваб дулуншиврул миннал тарихрах бурган аьркинни. Хисав дарча, ми тачІав паракъат кІавхъуссар хІукумат цалла кІунттихъхъун къаларсть-ссаксса.

1999-ку шинал жунма ккавккунни, Дагъусттаннал бусурман террорданул чулий къабацІайшиву. 90-ку шиннар-дия байбихъуну, динналул къуллугъчитал оьвтиий буссар инсантурахъ марцІсса динна-лийн. Цанагу на оьвтиий ура мизитирттал имамтурайн, Дагъусттаннал аьлимтурайн, дуаь дулланшиврул, бйякъуса ххулул бувгъумий тІайла бавцІуну марцІсса дин машгъур даврин зана бикІаву чІа тІий.

**Дагъусттаннал муфтий
АхІмад-хІажи Аьдуллаев**

Бархъаллал Оьмар

**Жунма кІулсса куццуй, хъхъичІава
заманнай Дагъусттаннай, хасну-
ва лакараву чІавусса хъунисса аьлим-
тал бивкІссар. Ца мукунсса аьлимчув
хъанай ур Бархъаллал шяраватусса
ХІамма-хІажинал арс Оьмар.**

Ва аьлимчув цумур шинал увссарив мйяжанну кІулну бакъар, бусаврин бувну 1883-ку шин хъанай дур. Оьмардул нину-ппу бивкІссар хъинну цІакъну Шариаьтрал ххулул бувгъусса, бахъгта хІажливгу лавгсса бусурман. Оьмардул ппу ХІаммад-хІажи Бархъаллал хъун мизитрал имамну зий ивкІун ур. Оьмар ЦІахъардал Къуппав имамну зий ивкІссар. Оьмар Къуппав зун увкІукун, гайннал жамааьтрал му цалчин къамул увну акъар: «Утти ва бархъарачуврив жунна дин лахъхъин дан увкІсса» – тІий. Аммарив, Оьмардул элмулул даража ккавкукун, гайннал ва къамулгу увну, хІурматту бувну бур. Оьмардул хъунама уссу МухІаммад Хажал-мацили имамну зий ивкІссар. Оьмар кулпатраву чІана-чІивима ивкІун ур. Динналул элму мунал хъинну бигъану ласайсса диркІун дур. Ганаща хъунисса аьлимтурал чивчусса луттирдава Шариаьтрал хІукму ласун бюхъайсса бивкІун бур.

Цанагу жучІанма бивну бур Оьмардул чивчусса «Бустануль-хІукъуь билисани Гъазигъумукъ» тІисса лу. Жунма му лу кІулли «Бархъаран» тІисса цІанийну. Га лу сакин бувну бур имам аш-Шафитнал мазгъабрайсса хъунисса аьлимтурал чивчусса луттирдава: «ШархІуль-Мафруз», «Мингъажу-т-Палибин», «ТухІфатул-МухІтаж», «ФатхІуль-Муэн» ва цаймигу Шариаьтрал ва Парикъатрал луттирдава. Лу чивчуну бур буккин бигъасса, бувчІинсса куццуй. Ваниву назмулийну буслай бур Имандалия, Исламрая, МухІаммад Идавсил оьрмулия, Парикъатра.

Ва дунияллий Оьмардул кутІасса оьрму буттссар. Бусаврин бувну, Оьрмулул 28 шинаву накълу хъуну ур. Оьмар имамну зий ивкІсса Къуппиял шяраву вабаъ цІуцІаву диркІун дур. Му цІуцІаву Оьмардуйнгу дирну, ца хъхъуну Къуппав му цІуцІаврил ивкІуну ур. Бархъаллал шяраваллил юзбаши ивкІун ур Оьмар-



Бархъаллал Оьмардул зиярат.

ФОТО АС-САЛАМ

дул жаназа шяравун ларсун бучІан къабитлай, Бархъаравгу вабаъ цІуцІаву пшив къухъуншиврул. Амма Оьмардул уссурвал МухІаммад ва ХІусман ва куяв МухІаммад-Аьли хъхъувай къюлтІну шяравун Оьмардул жаназа ларсун бивкІссар. Оьмар учин нанисса чумал, юзбаши кІилчингу ахчилан ивкІун ур. Микку Оьмардул буттал увкуссар: «ЦІуцІаврия нигъа увсма хІаттали в маучІарача, жижара бангу маучІарача, жун шилчІав кумаг къаьркинни» – куну. Муният махъ, мйяжанну-гу, шяраву пучІав къашай къавхъуссар, юзбашинал арс ва душ личІаннин. Мий кІивагу цІуцІаву шуну ливтІуссар. Бархъаллал Оьмардул кІялазуруй чивчуну бур га 1328-ку шинал ивкІушиву (1910-ку шин).

Буслай бур, ца чумал ХІусманнун цала уссу Оьмар макІра ккавкшиву. ХІусманнул ганахъ цІувххуну бур: «Аллагънал   вин ци буври, цІана ина ци хІалданий ура?» – куну. Микку ганан ккарккун дур уссил гъав тІиртІуну, гивугу ххал хъуну бур лавхъсса чирахъ ва тІивтІусса лу. Оьмардул гъав чанна лархъун диркІун дур.

Аллагънал   жухъхъунна тавфикъ дулуннав ва кунмасса аьлимтурал хъирив бачин! Амин!

Адам Идавсил   аьрщарайсса


оьрму

(дайдихъу хъхъичІмий номердай)

Ца къини Адамлул   Жабраил малаикнахъ цІувххуну бур: «ХІава сагъну бурив, бивкІурив?» – куну. «Сагъну бур», – куну бур ганал – «Цуппагу хъхъирил зуманив чавахъру бугълай, канай бур», – куну. Адамлул   куну бур: «Къунну ттун га макІра ккавккунни». Жабраиллул: «Ина ххари хъу. Аллагънал   вин му ккаккан къабантІиссия, зу цачІун хъунсса чІун гъан хъуну дакъассания» – куну. Яла гай Адамлул   захІматшиврул къинирду къуртал хъувкун, ганал тавба дурну дур, Аллагънал   мунал тавба къамулгу дурну дур. Адамлул   Аллагънахъ   увкуну бур: «Я Рабби! МухІаммадлул   хІакъирахлуну Ина ттул хатІалуяту ялтту учІу» – куну. Аллагънал   ганайн вахІий ликкан увну, увкуну бур: «Вин МухІаммад   ча кІулли, на му уттигу ляхъан кІаувну унува?» – куну. Адамлул   увкуну бур: «Ина нава ляхъан увсса чІумал, на ттула бакІ гъаз дурссияча, ттун Аьрширал ликкурттай чивчуну ккавккуна «Ля илягъа илляЛлагъ, МухІаммад   Расулюллагъ», мунияту ттун кІул хъуна, Ина Вилла цІаницІун Вина яла хираманал цІа дакъа лачІун къаданшиву» – куну. Аллагънал   увкуну бур: «Пайлассар, я Адам. МухІаммадлул   чІа куну тІий На вил хатІалуяту ялтту увчІссара» – куну.

Яла Аллагънал   вахІий ликкан увну ур Адамлуин: «Ина Гъиндуллавату Маккалив насу, та Къябалул кІанттул лагма тІаваф дувача, Тухъгу чІа уча виятува ялтту учІаву, На вил хатІалул ялтту учІанна» – куну, Аллагънал   Алжаннавату гъан бувссар тІар ятІулсса якъут га Къябалул къадарданийсса, ганил дянивугу мусил чирахъ бусса, нурданул чанна лавхъсса. Яла Аллагънал   ца малаик гъан увну ур Адам   Маккалив иян ан, ганал ца аьсавгу гъан дурну дур Ас тІисса Алжаннул мурхъирятусса къура аьршун лахъисса. Адам   авчуну ур. Лухчигу ганан кутІа хъанай диркІун дур. Ганал ша бивзсса гъарца кІанттай шяравалу хъуссар тІар.

» 5



Бархъаллал шар.

ФОТО АС-САЛАМ

Редакторнал колонка **Чак гьунтти банна...**

МухIаммад Идавсил ﷺ увкуссар: «Чак – динналул ттарцIри. Чак къабивтманал му ттарцI гьагъан дурсар».

Жува Аллагьу Тааьланал бусурманну ляхъан баву хьунмасса неъматри. Мукун бухъувкун, му неъматрахсса шукру къабулларча, Аллагьнал ﷻ му жучIатува ласун бюхъайссар. Шукру баву – так ца «АльIамдулиЛлагь» учаву къахъанахъиссар. Шукру муданмагу буллан аьркинссар. Цукун? Цалчин, чак, зума, закат ва цаймигу Заннал жуйва бивхъусса фарзру биттур баврийну. КIилчин – Аллагьнал ﷻ хIарам дурмуния махъунай шаву. Чак къабитайсса инсаннал хьунмасса бунагь буллалиссар, муних къулагъас къадуллай, «на даврий ура», «чIал хъанай ура», «цIана чак бансса сант дакъар» ва цаймигу шьайтIаннул лахъхьин бувсса багъанттугу буцлай. Ми багъанттайну муная чак баврил бурж яла къалагайссар. Жува бусурман бухъувкун, МухIаммад Идавсил ﷺ лавсун увкIмур къамул бувну, Кьуръанналийн бувну оьрму буллан хIарачат бан аьркинни. Цивпа бусурманну тIисса инсантал бур хIакъинусса къини «на щинчIав зарал биян къабара, бунагьру къабара, на чак байманаяр марцIссара, мунияту ттун чак къабангу бучIиссар, чак бувача бунагьру буминнал» ягу «на къужа акъарахха чак булланшиврул, хъунав хъувкун банна» тIий. Пикри барча, укун тIимий бьайкълай бушиву бувчIлай бур. Цанчирча, цалчин, Аллагьу Тааьланал чак баву так бунагьру байминнай ягу къарикъужрай ялув бивхъуну бакъанутIий. Чак байсса инсан аьркин дакъасса тIуллу дуллай ухъурчагу, чаклийсса аьй цари?. КIилчингу, чак къабаву – хъун бунагьри. Хъунав хъувкун чак буллай айишин ччисса инсаннахъ цIуххин ччива, инава хъунав хъуннин личIансса вин ча кIулли куну. Цанасса захIматсса чIумал жагьилмигу, хъунив хъумигу личIишиву дакъа Ахиратравун лаглай бур. Цуманащари хьунтIисса дакI дарцIуну, къанкъану учин на вайксса шиннардий ялапар хьунтIиссара, куну. Аллагьнал ﷻ чичрулийну хъунав хъусса оьрмулийн ивну, чак буллай айиширчагу, Къиямасса Къини къабавну ливчIсса гьарца чаклих жаваб дулун багъантIиссар. Идавсил ﷺ увкуссар: «Къиямасса Къини Аллагьнал ﷻ хъхъичI цалчинма-цалчин чаклих жаваб дулун багъайссар». Ялагу увкуссар: «Ца къабивтсса чаклих инсан арулцIалла шинай Дуржагьраву икIантIиссар». Ва дуняллия лаглагисса чIумалгума, МухIаммад Идавс ﷺ жунма насихIат буллай ивкIссар къинилун ххюва чак булланшиврул. Мунийну жунма бувчIин аьркинни чаклихсса къулагъас хьинну хьуннасса дикIан аьркиншиву. Аллагьнал ﷻ жува тIайласса ххуллу бувгьуминнавух баннав! Амин. isaassalam@gmail.com

Д. Медведев: Динналул идарарттал хъуниминнан кумаг буллан аьркинссар



Москавлив ва Кизлярдай хъусса иширттал хIакъираву апрель зурул 1-ний Аьрасатнал Федерациялул президент Д. Медведев МахIакъалалив увкIун Ухссавнил Къавкъазуллал республикардал бакIчитурацал ва ФСБ-лул ва МВД-лул хъуниминнащал хъуна авкъунни.

«Махъсса гьантрай ттучIан личиличIисса хIукуматирттал хъуниминнал оьвкунни, гай цинявннан терроризмрая нанисса зарал чIалай бур. Муни бивну, жулва хъхъичI ххюва яла агъамсса мурад буссар:

Цалчин: Жунма аьркинни МВД, ФСБ, суд ва цаймигу хIукуматрал низам дуруччайсса идарартту цIакь

дан. КIилчин: Террористурацалсса ччалаччавриву ххаржан риршусса куннасса каскинсса гьужумру буллан. Мий цивпагу миннал бацIай кIанттугу ппив буллан.

Шамулчин: Террористурая личIи хъуну, махъунмай тIайласса оьрмулийн зана хъун ччиминнан кумаг буллан.

Мукулчин: Жунма аьркинни экономика, дуккаву, социальный чул цIакь буллан.

Ххюйлчин: Динналул идарарттал хъуниминнан кумаг буллан аьркинссар.

Вай ххювагу бутIа бухъурча, жуцава бюхъантIиссар хайр бусса даву дачин дан» – увкунни президентнал.

www.islamdag.ru

Циванни имамтурайн битлатисса?

Уттигъанну Хасавюртуллал районналийсса Аксай шьраву имам бивтун утансса къаст дурунни.

Иширах бургарча, щиннив дакI дакълай дакъар экстремизмайн ва вагъгабизмайн къарши бувккун, халкъуннан паракъатну, бавкъуну, Исламрал ккаккан бувсса куццуй ялапар хъан

нан лахъхьин буллалисса имамтурай.

Шьраваллил халкъ чакту бувну мизирава бувккун нанисса чIумал, номерду бакъасса машиналува миннайх цIу тIиртIуну дур. Ккулларду шусса ххюнавух шьраваллил имам Ислам-хIажигу ур. ЖучIавагу мукунсса ишру къахъананшиврул жунма аьркинни личIлулу бикIан, жулва аьлимтал ва имамталгу буруччин.

www.islamdag.ru



Карщи дутан къабитлай



ХIижаб лаххавринсса къадагьалул цIаний Турциянал студенткахъул Босниянал университетирттаву дуклан бухлай бур. ХIакъинусса къини шику азаруннийн бивсса Турциянал студенткахъул дуклай бур. Мунил сававругу: лагъсса багъри, ххуйсса дукра ва хIижаб ларххун дарсирдайн занансса ихтияр.

Турция хIакъинусса къини светский хIукумат хъанай дур. Вайннал университетирттаву хъами бакIрай карщи дутан занан къабитай. Босниянавурив мукунсса закон дакъар. Мунияту Турциянал жагьилсса душру бур Сараеволийсса университетирттаву дуклан бухлай.

«На шику дуклан бувкIра карщи дутан бунутIий цавагу Турциянал университетравун буххан битлай бакъанутIий» - буслай бур архитектуралул факультетраву дуклакисса Кахид Нур.

Дуклаки оьрчру террорганин къарши

Апрель зурул 10-ний Чиркейнал дянивмур школалий барачатсса мажлис хъунни «Дуклаки оьрчру – экстремизмалин ва наркоманиялин къарши» тIисса. Шикун бувкIун бия машгьурса Дагьусттаннал аьлимтал, хIукуматрал къуллугъчитал, ва цаймигу чIявусса

бусурман. Мажлисрайн увкIуна Накъшубанди ва Щазали тIарикъатрал шайх Саид-Афанди аль-Чиркави (къ.с.). Ва учIаврийнува жунма бувчIин аьркинни, жулва жагьилтал ва дуклаки оьрчру наркоманиялия ва экстремизмрая буруччаву цукун агъамсса даву дуссарив.



Учредитель
Благотворительный фонд «Путь».
Газета печатается по согласованию и одобрению Духовного управления мусульман Дагестана

Редакционный совет
Председатель редакционного совета муфтий РД Ахмад-хаджи АБДУЛАЕВ
заместитель муфтия РД Махди-хаджи МУТАИЛОВ

Главный редактор
Патимат ГАМЗАТОВА

Редактор
Иса ОМАРОВ

Канонический редактор
Мухаммадрасул МАГАДОВ

Ответственный секретарь
Ахмад МАГОМЕДОВ

Менеджер
Абдусабир АХМЕДОВ

Компьютерная группа
Лейла ГУСЕЙНОВА
Гульнара АБДУЛАЕВА

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г. При перепечатке ссылка обязательна. Набрано и сверстано на компьютерной базе газеты «Ассалам». Отпечатано в ООО «Дом печати» по адресу: пр-т Акушинского, 20
Заказ № _____
Тираж 3. 250 экз.

Сдано в печать 13 апреля 2010 г.
Индекс 51388
Адрес редакции
367015, РД, г. Махачкала, ул. Азиза Алиева 2.
Тел.: (8722) 61-00-64.

По вопросам подписки и доставки обращаться по телефонам: по Республике Дагестан – 8-988-699-28-24 по г. Махачкале – (8722) 914-222.

E-mail: assalamlak@mail.ru;
www.assalam.ru

Альимтурал ххуллийх най

Махладов Мухаммадрасул увсар 1986-ку шинал Сумбатуллал шяраву. 2004-ку шинал школагу къртал бувну, Дагъусттанал Исламрал Университетравун увхссар. Цана Махачкъалаливсса Сайфуллагь-Къадиал цанийсса мизитрал имамну ва Исламрал Университетрал мауьллимну зий уссар.



Мухаммадрасул, буси инава Исламрал Университетравун циван увхссарав, дуккаву цукун най диркиссарив.

На школалий дуклакисса чумалва ттун динналух гъира биклайва, мунияту школа бувкуну махъ на Исламрал Университетравун увхра. Дуккаву хъхъичисса ппурттуву чансса захматну дия, цан чирча, араб маз ххуйну кюлну бакъанутий. Га чумал динналул элму лахъхъаврил агъамшиву щаллуну дурчлай дакъанугу, дуккаву нанисаксса ттун бувчуна Исламрал кюлшивуртту чара бакъа ласлан аьркиншиву. Мунияту на хъис пашман къавхъура ва ххуллу бувчаврия.

Ва университет бувккусса жагьилтал ци даву дуллай буссар?

Хакъинусса кьини миннал жулва халкъ наркоманиялия, хан хачаврия, экстремизмрая байщун баншиврул хъуннасса даву дуллай буссар. Личиличийсса идараттал зуалтращал, студентьтуращал хъуна бавкуну лекцияртту буккайссар, марцисса дин

лахъхъин дайсса луттирду, дискру дачайссар, Исламрая бусласисса мажлисру, мавлудру дувайссар.

Исламрал университетраву дарс дихълан захмат шайрив?

Гъашину ттул цалчинсса шинни шиву дарс дихълай, уттигу аьдат къавхъунна. Альхамдулиллагь, чларав хъунисса альимтал бур, ччимур чумал кумаг бан бюхъайсса. Мунияту личисса захматшиву хъанай дакъар.

Хакъину жулва жагьилтуран ци диял хъанай дакъар?

Альхамдулиллагь, жагьилтал динналул чулинмай кунку тий бур. Амма цана миннан оьрмулуду чявусса ххуллурду бур, тайлассагу, бьяйкуссагу. Мунияту жагьилтал ххассар бантиссар так марцисса элму лахъхъаврил, цанчирча, Исламрал душмантурал хъуннасса даву дуллай бунутий жулла дянив фитна даншиврул.

Ца-цавай биклай дин дусса бусурманчувнал так чак баву бакъа цамур цичлав къадайсса ххай.

Цукунссар иклан аьркинсса хлакьсса бусурманчув?

Жула Мухаммад Идавсил увкусар: «Цаманан канийну ва мазрайну зарал биян къабайма – хлакьсса бусурманчуври». Цанасса чумал бусурманчув иклан аьркинссар лагма-ялттуминнан мюнпат бусса, мий оьмуния байщун буллалисса. Му Аллагьнал хъхъичи хъунмасса даража бусса даву хъанахъиссар, цанчирча, му идавстурал, асхлбтурал, хъунисса шайхтурал ва имамтурал ххуллу бунутий. Бусурманчув цукунсса санятраха зий ухъурчагу, мунан хларачат бан аьркинссар цалва лагма-ялттуминнан эьрат ккаккан дурну, гайгу тайла бацан бан.

Жунма чалай бур цана динналул цания инсантал литлай, пияк

учин буллай бушиву. Исламрайн бувну ми тайлассарив?

Буссар хладис: «Ца инсан ивчаву дуняллийсса циняв инсантал литлаврин ккаллысар» - тисса. Хъун бунагьирттаву инсан ивчаву килчинмур кланай буссар. Идавсил чумал ца хъамитайпалул цилва ччиту дукра къадуллай кункуьлуду къабивтун, га ччиту бивкуссар. Идавсил увкуссар: «Ччиту сававну щарсса Дуржагьравун дагъунни» - куну. Исламрал террорданушчал дархусса цичлар дакъассар.

Ас-Салам кказитрал зуалтран Аллагьу Тааьлалан кумаг баннав Ислам машгур дуллан. Зул буккултравугу Аллагьная нигь дусса муьминтал гьарза хъуннав, миннал дакурдиву динналулчансса ччаву ххи хъуннав! Амин!



Шайх Сайфуллагь-Къадиал (къ. с.) цанийсса мизит. ш. Махачкъала.

ФОТО АС-САЛАМ

Вилва бунагьру чан хъуну чарчча, муган тавба дуллалу

Ца чумал Мухаммад Идавсичан ца инсан увкун увкуну бур:

– Я Расуллагь! На увкра вичан ттунма Ахиратлуду мюнпат биян баймуния цуххин.

Идавсил ганахъ увкуна:

– Щухха винма аьркинмуния.
– Ттун ччай бур яла хъуннамур элму дума хъун, – увкуна ганал.

– Аллагьная нигъа увсун икю, ина яла элму думану иклантиссара.

– Ттун ччай бур яла аваданма хъун.
– Думуних щукру булува, ина яла аваданма хъунтиссара.

– Ттун яла аьдилма хъун ччай бур.
– Винма ччимур гайминнангу ччай икю, ина яла аьдилману иклантиссара.

– Ттун яла ххуйма хъун ччай бур.
– Халкъуннан мюнпат биян булува, ина яла ххуйману иклантиссара.

– Ттун Аллагьнал хъхъичи ляличийсса даража ччай бур.

– Зикри чявуну булува.
– Ттулла Иман камил дан ччай бур.
– Вилла тлабаьт ххуй дуллалу, вил Имангу камил хъунтиссар.

– Ттун ччай бур Аллагьнаха эьбадат хъунмасса хларачатрай дайминнаву хъун.

– Вина Аллагь ччалачисса кунна дулува эьбадат.
– Аллагьнайн мютийисса лагьтурава хъун ччай бур.

– Аллагьнал вийва бивхъусса буржру биттур булува, ина мютиминнава хъунтиссара.

– Ттун ччай бур Къиямасса Кьини нурданул чанна лавхъун изан.

– Вийва ва лагмаминнай зулму мабаванна.
– Ттун ччай бур Къиямасса Кьини Заннал ттуйва рахму бувну.

– Вийва ва гайминай рахму бува, Аллагьналгу вий цими бишинтиссар.



– Ттун ччай бур ттулва бунагьру чан хъуну.
– Муган тавба дуллалу, вил бунагьру чан хъунтиссар.

– Инсантураву яла хурмат буману хъун ччай бур.
– Щихъчав вилва ялун бивсса балардая мабусаванна, ина хурмат лавайману хъунтиссара.

– Ттун ччай бур яла кувват бума хъун.
– Гьарца ишираву Аллагьнайн таваккул дува, ина кувват буману иклантиссара.

– Ттун ччай бур ва дуняллийсса ттулва ризкъ гьарза хъуну.
– Муган чаклин ивссуну марцину икю, Аллагьнал вил ризкъ гьарза бантиссар.

– Ттун ччай бур нава Аллагьнан ва Идавсин

ххира хъуну.

– Аллагьу Таьлалан ва Идавсин ххирамур вингу ххира шайхтту инагу миннан ххира хъунтиссара.

– Ттун ччай бур Къиямасса Кьини Аллагьнал сситтуя мурахас хъун.

– Аллагьнал ляхъан дурмуни сси мабизаванна, Аллагьналгу вийн сси къабизантиссар.

– Ттун ччай бур ттулла дуьртту къамул хъуну.
– Харамсса дукра дукаврия урувччуну икю, вил дуьз Аллагьнал къамул дантиссар.

– Ттун ччай бур Къиямасса Кьини Заннал нава баявур къаувну.

– Вила аьврат зуналия дурурччуну икю, Аллагьнал ина баявур къаантиссара.

– Ттун ччай бур Къиямасса Кьини ттулва бунагьру ашкара къавхъуну.

– Вилва динналул уссурваврал бунагьру ашкара мабаванна, вилмийгу Къиямасса Кьини ашкара къахъунтиссар.

– Бунагьру баврия ссал ххассал айссар?

– Мукьал, Аллагьнайн мютийшиврул ва цуцлавурттал.
– Ххуймунива Аллагьнал хъхъичи лараймур цири?

– Хъиншиву, иминшиву ва захматшиврий ссавур даву.

– Оьккимунива Аллагьнал хъхъичи яла къадармур цири?

– Ххуй дакъасса хасият ва цалва нафсрал тимунил хьирив ачаву.

– Ва дуняллий ва Ахиратраву Аллагьнал сси кукюлул ссал байссар?

– Кьютину бувсса садакьалул ва гьанмаччаминнащалсса дахлаву цакь даврил.

– Къиямасса Кьини Дуржагьрал цу ссал лещан дайссар?
– Оьрмулудусса циняв балардача ссавур даврил.

Ва хладис бувсэссар АхИмад ибн Ханбаллуду

Кюрххил байбивхъусса сапар барачатссар

Сапарданийсса чумал чак баврил къяйда

Хлалалсса сапарданийсса бусурмачувнахъ ихтияр дуссар мукъра ракаатрайсса чак (ахттайн, ахттакъун, хъатлан) кутла буну кира ракаат дан.



Чак кутла баврил арулла шартI дуссар:

1. Сапар биклан аьркинссар ахътта най кIива гъанттул мутталайсса (дянивну 83 километра, му ххуллу машиналий ягу бурттий анаварну битлай бунугу, чак кутла бан бучИссар).

2. Ца мурад, къаст дусса сапар биклан аьркинссар. Чун наниссарив, циван наниссарив къакIулну най ухъурча, чак кутла буллан къабучИссар.

3. Чак бахIайсса чумал (чакливун увххун «Аллагу Акбар учайний»), му чак кутла буну бансса нийят диклан аьркинссар.

4. Чак кутла буну бан ччисса инсаннан щаллуну мукърагу ракаат дуллалалсса имамнал хъирив бан къабучИссар. Мукунсса имамнал хъирив буллай ухъурча, кутла къабуну, щаллуну банссар.

5. Чак буну къуртал хъуннин дакIниву диклан аьркинссар нийят му чак кутла буну бансса. Масъала, чакливу нийят даххана хъуну, чак щаллуну банса къаст хъурча, му чак кутла бан къабучИссар.

6. Кутла буну буллалалсса чак къуртал хъуннин сапарданий икIаву. Масъала, жамиллий нанисса инсан чакливу унува цалла миналийн иярча, му чак

щаллуну бан ялувссар.

7. Чак цумур чумал ва цукун кутла бан бучИссарив кIулну биклан ялувссар.

Ца шагърулин ягу шярвун ивукун, гикку мукъва гъантта ягу ххишала бансса къаст духъурча (гиккун увкIсса ва гичча гъансса гъантри къахIисавну), гикку чакру кутла буллан ихтияр дакъассар. Амма га кланай цуксса хIаллай личIанссарив къакIулну (мукъва гъантлуяр чансса ягу ххишалалсса), хIакъину-гъунтти тIий ухъурча, ацIния мйява гъантлуин биян-

нин чакру кутла буллан бучИссар.

Чак кутла бан бучИсса сапарданийсса чумал кIива чак куницIун-ку лавсун кутла бан ихтияр дуссар (ца кюрххил чак личIаннин). Ахттайн чак ахттакъун чакличIан ласун бучИссар, ахттакъун чак – ахттайн чакличIан. Мукунма, маркIачIан чак хъатлан чакличIан ва хъатлан чак маркIачIан чакличIан.

Ахттакъун чак ахттайнмуничIан ягу хъатлан чак маркIачIан чакличIан ласлай бухъурча шанна тIалавшин биттур дан ялувссар:

1. Ахттайн чак ахттакъун чаклил хъхъичI байссар, мукунма, маркIачIан чак хъатлан чаклил хъхъичI.

2. ХъхъичI буллалалсса чакливу нийят диклан аьркинссар чакру кIутагу буну цанничIан ца ласун.

3. КIивагу чак цаннил хъирив ца бан аьркинссар, хъунмасса манзил гъан къабивтун. Ца чак бувайхтту гацIана къаматту дурккуну кIилчинмур буллай байбишайссар. КIивагу чаклил дянив кIира ракаат дануксса манзил гъарча, кIилчинмур чак (ахттакъун ягу хъатлан) цилва чумал бан къабитайссар.

Чак махъун ласайсса чумал ца шартI дуссар: цалчинмур чаклил чун дукканин чак махъун ласунса нийят дан аркинссар, акъахъурча, му чак хъирив лахъан ялувссар.

«Чак – бусурманнал бурж» тIисса луттирава

Мубараксса къутIу

Магъар бишаву (аькъду-з-заваж) – кIива чулухаллил Аллагънал хъхъичI дурсса мубараксса къутIу хъанахъиссар. Исламраву магъар бишаврих хъинну хъуннасса къулагъас дуллалалссар. Цанчирча, магъар бишайсса чумал биттур дан аьркинсса ца шартI лях личIарча, му магъар хIисав бакъассар. Мукунсса кулпатраву бувсса оьрчIругу зунарай бувсса хъанахъиссар. Мунин буну магъар бишавриву гъуртту хъанахъими хъинну нигъачIий биклан аьркинссар, цалва бихълахъисса магъар укунма ялттува къабивхъуну, багъайкун, Шариатрал ккаккан бувсса сантирай бишиншиврул.



Магъар бишаврил шартIру:

1. Чара бакъа душнил валий (къажим) икIан аьркинссар, ва мунал душ щар булун ихтияр дулун аьркинссар. Мунин далилну хъанахъиссар Къуръанналул аят: «**Ми хъаннищIал магъар бишияра так миннал валийтурал ихтиярданийну**» (4:25, Тафсир аль-Джалалайн).

Душ щар булун ихтияр дусса валийтал хъанахъиссар: 1. Ппу; 2. Буттал ппу, буттал буттал ппу; 3. Уссу (ца нину ва ца ппу бусса); 4. Уссу (буттал чулухасса) 5. Уссил арс; 6. Буттауссу; 7. Буттауссил арс. Ва низам чара бакъа дугъан аьркинссар. Душнил валийтурова цаягу акъахъурча, валийну хъанахъиссар душ ялапар хъанахъисса кланттул имам.

2. Душнил рязишиву къацIувххуну га щар булун бюхъайссар аьдилсса, динналул фаризартту биттур байсса, хъунис-

са бунагъру къабайсса, душнин ххуймур ччисса буттаща ягу буттал буттаща, агана душ цалчин щар хъанай бухъурча. Мий аьдилсса бушиврий щак бухъурча, имамначIан лавгун маслихIат байссар. Вай кIивагу бакъасса цайми валийтуратта душнихъ къацIувххуну га щар булун ихтияр дакъассар.

3. Магъар бишайсса чумал чара бакъа кIия аьдилсса бара икIан аьркинссар.

Душнил валий ва бардулт биклан аьркинссар:

- 1) бусурмансса;
- 2) балугъравун бувхсса;
- 3) аьклу-кIулши дусса;
- 4) хъун бунагъру къабайсса, ва мюрщимий бунагъирттай даим къашайсса;
- 5) мурчIисса, къюкIисса, маз къакIулсса биклан къабучИссар;

Цанасса чумал бур чIявсса жагъилсса оьрчIру ва душру, цивипа бусурманну тIисса, амма Аллагу Тааьланал цайва бивхъумур биттур къабуллалалсса. Миннан чIявучин Иман-Ислам цирив кIулну къадикIай. Мукунсса инсантуран магъар бишиннин цал динналул аслу-гъанурду лахъхъин бан аьркинссар. Миннал тавбагу дургу, шагъадатту дурккуну, цащава ливчIисса чакру ва зумардугу хъирив лахъансса къаст диклан аьркинссар.

Му бакъассагу къалиян учайсса, хIан хIачIайсса инсаннал кулпат буну, ганал щарсса оьрчIан хъурча, оьрчI цидунугу ца диялдакъашиву дусса шаврил нигъ дуссар. Мунин буну, куплат бан ччисса адиминал ва хъамитайпалул мукунсса аьркин дакъасса хасиятру магъар бишин мукъцIалва гъантлул хъхъичI къадитан аьркинссар.

Жаназалул чак – фарзул-кифая

Бусурмансса инсан ивкIукун, адамина икIу, щарсса дикIу, чивисса икIу, хъуннасса икIу, жаназалул чак бан ялувссар. Му фарз-уль-кифая хъанахъиссар, цаннал барчагу гъарцанная яла лагайссар, бувагу къабарча, циняв бунагъралун багъайссар. ХIатта бансса ца акъа акъахъурча, мунай бан фарзуль-аьйинни. Къабарча мури бунагъралу личIантIисса.

Му чак байссагу ивкIума шовшуну, марцI увну, суру бивхъукунни. Мунияр хъхъичI бан къабучИссар. Уччаннин бангу ялувссар, къабунува учирча бунагъралун багъайссар. Яла гъаттай бан аьркинссар. ХIакъну чапуртуращIал иллай ивкIусса хIакъсса гъазийнаятугу, утгавашиврул аьламат загъир къархъуну бивкIунма бувсса оьрчIаятугу бан къадурусьссар. Лякълуву ряхва барз хъуну махъ бувсса оьрчIаяту бивкIуну бунугу байссар тIисса аьлимталгу бур. ЧIявусса жаназарттаха ца чак бангу дурусьссар. Гъурбатрай, къатIув, цамур шярвуву, шагърулий ливтIуминнаягу бан дурусьссар, суннатссар. Жамаатрай бавугу суннатссар. Имамшиву дангу яла мунал гъанма хъинсар: ппу, арс, яла миннал хъиривма. Ми кIулсса бакъахъурча, элму дурккусса адиминал буну хъинсар. Му чак баймагу чаклингу ивсуну, аьвратту кIучI дурну, нажасрая марцIгу хъуну икIан аьркинссар. Му жаназалийгу мунил ялун дуртсса задрайгу, хIатта му дирхъусса чурттуйгу нажас дуну бан къабучИссар. Жаназа хъхъичI дирхъуну, Къиблалайин лажинну авцIуну байссар. Адамина ухъурча бакIрачIа ацIанссар, щарсса духъурча бухчIинссаннуца ацIанссар. Адамина акъахъурча, хъаннил бангу бучИссар. Му унарив буну гъашиву къадайссар. ОьрчIал бунугу гъа-

шиву дайссар, тамийз бусса ухъурча (оьмур-хъинмур личIи бан бюхъайсса оьрмулувун ивсса). Жаназалул чак чIявуссаннал бувссаксса чире хъунмассар, ивкIуманан мюнпат хъунмассар. ХIатта мукъцIала инсан иял хъуннин Идавсил сса-савур дайва тIий бур, миннаву цаягу дуаь къамулсса икIайну тIий. Аммарив уччин чIал хъанай бухъурча, ми батIаннин сса-савур къадайссар. Жаназалул чак байний къаивкIун, яла ялун ивманалгу бан бучИссар. Жамаатрай байний шанма ца бавугу суннатссар, шан-шама ацIлай барчагу.

Жаназалул чак байсса куц: Цал нийят данссар: «На нийят дурунни ва пуланная фаризасса жаназалул чак бан, хъуннасса Заннан **Аллагу Акбар**» – куну бахIинссар. Мунал цIа къакIулхъурча ва жаназалия куну чирчагу гъассар. Яла АлхIам буккинссар. Ялагу **«Аллагу Акбар»** – куну, салават дуганссар. Ялагу **«Аллагу Акбар»** куну ва дуаь дуккинссар: **«Аллагумма-гъфир лихIайина, ва маййитина, ва шагъидина, ва гъаибина, ва сагъиринна ва кабиринна, ва закаринна ва унсана. Аллагумма ман ахIгъайтагу минна фахIийиги аьля-ль-Ислям, ва ман таваффайтагу минна фа-таваффайтагу аьля-ль-Иман»**. Ялагу **«Аллагу Акбар»** куну, каругу гъаз дурну **«Аллагумма ля тахIримна ажрагу»** (хъамитайпалух буллай ухъурча **«ажрагу»**, цаннаяр ххишалалсаннах буллай ухъурча **«ажрагу»**) **ва ля тафтинна баъдагу (баъдагу, баъдагу) вагъфир ляна ва лягу (лягу, лягу)»** учинссар. Яла салам булунссар **«Ас-Салям аьляйкум ва рахIматуллагу ва баракатугу»** – куну, бакIгу цал урчIамур яла куямур чулиннай кIура даен дурну. Яла ивкIуманаха дуаь данссар.

«НасихIату-ль-аьвам» («ГъунчIукъатIан»)

Адам Идавсил عليه السلام аьрщарайсса оьрму

Гъази-Гъумучиял Гъази ибн ХIасан-ХIусайн аль-ХIусайнинал «МатIалиоьл Жумгъур»

1 « Яла Адам عليه السلام Маккалив ивукун, Аллагьнал عليه السلام вахIий ликкан увну ур, га къатлул лагма тIаваф дува куну. Ганалгу арийлла тIаваф дурну дур бачIва бакIрашал, чурхгу кIачIану. Мугу хIажжирал суннатри. Адамлул عليه السلام мукун бувукун, Аллагьгу عليه السلام мунаяту ялтту увчIун, мунал тавбагу къамул дурукун, Аллагьнал عليه السلام мунахь амру бувну бур Аьрафат зунттуын насу, куну. Яла Аьрафатрайн увкIун авцIуну унува, гиккун ХIава бувкIун ми кIивагу цачIун хьуну бур. Муния шинмай му зунттуй бацIаву хIажжирал суннат хьуссар. Яла Адам عليه السلام чансса заманнай Маккаливгу ивкIун, ХIавагу бувцуну Гиндуллаванай лавгун ур. Риваят бур, Адам عليه السلام ва ХIава личIи хьуну ххюттуршра шин хьуссар тIий. Ялагу риваят бур, Адам عليه السلام Алжаннавату увкIукун, Алжаннул чIапIив ялтту бавкьуну бивкIун бур. Яла лухчичиний тай чIапIив къавкьун зивзуну бурча, Гиндуллаву-

са гьарца ххуйсса къанкьру тайннуяту хьуну дур тIар. Ялагу риваят бур Аллагьнал عليه السلام Адамлуйн عليه السلام мйива гьаттара ликкан бувну бур, мукьва чут. КIива яту, кIива цIуртти, кIива вариантту, кIива оьлниц. Гайннахьгу амру бувну бур гайннул накI хIачIияра, ппалау янна дуvara, куну.

Адам عليه السلام ва ХIава аьтIинма бикIайсса бивкIун бур гай Алжаннул неьматру цала кIунттица бувкIунтIий. Гайннал мукьаяту мюрш хьюругу, нухутIгу ххярххун дур. Ялагу риваят бур, Адамлул عليه السلام Аллагьнай عليه السلام шикаят бувну бур: «Тгун эбадатрал чIунну кIул хьанай дакъар» – кунуча,

Аллагьнал عليه السلام ганал Алжаннавату ца кIяласса ницуксса ажари гьан бувну бур. Му ажарттул ссавруннайсса малаиктурал тасбихIрал чIу бавукун, тасбихI дайва тIар, мунияту Адамлул عليه السلام эбадатрал чIунну кIул шайва тIар.

Яла Адамлул عليه السلام мурхьру бивщуну, щинал кIаланну дурккун, хьу ттирхIуну дур. Аллагьнал عليه السلام Адамлуйн عليه السلام къуния цава сахIифат (ула) ликкан бувну бур. Гайннуву бивкIун бур диркIумунил дикI хIарамшиву, дунгъуз хIарамшиву, ми бакъасса цайми-цаймигу. Ялагу алиф, би, тилул хIарпругу ликкан дурну дур. Гайгу къуния урчIра хIарп дуссар, гайннуяр ххишала ца хIарп ляхьан дан щичацIав къабюхьантIиссар. Адамлул عليه السلام гай хIарпру лархьхьуну дур кIай сахIифатру букланшиврул.

Цаппара хIаллава ХIавал ца оьрчI ва ца душ бувну бур. ОьрчIан цIа Гьабил, душнин цIа Лаюса дир-

зун дур. Муния махь ХIава кIилчингу лякьлуву хьуну ялагу ца оьрчI ва ца душ бувну бур. ОьрчIан цIа Кьабил, душнин цIа Икьлима дирзун дур. Мукун кIинничалт буллай ХIавал мукьцIалва оьрчI бувну бур. Так ца Шис عليه السلام тIисса арс цувалу увну ур. Ганал ненттабакIраву МухIаммад Идавсил عليه السلام нургу диркIун дур. Мукун оьрчIал оьрчIру буллай, Адам عليه السلام дунияллий усаксса мукьцIалазарва оьрчI хьуссар. Яла, гай оьрчIру чIяву хьувкун, куннащал-ку ччалан, аьлагъужарду буллан бивкIун бурча, Аллагьнал عليه السلام Алжаннавату аьсав гьан дурну дур гайннан аьзаб дулун, гай цайнма аьсив хьувкун. Муниятури ттархь Алжаннавату дуркIссар чайсса.

Яла Кьабил хьунасса хьувкун, Адамлул عليه السلام хьу дугьаву ганайн тапшур дурну дур, ятту ябаву Гьабиллуйн тапшур дурну дур.

(гIухунмайгу буссар)



Щялмахь бусайшиву кIул хьунаяту вихшала къукьайссар

Мазрал бунагъру

Гьибат бавугу – хьун бунагъри. Гьибат чайссагу – бусурманчувная мунак къаччан бикIансса махь учаврийнни, мунаву бусса бухьурчагу. Мунал динналуву бикIу, дунияллуву бикIу, насабраву бикIу, чурххаву бикIу, тIабиаьт-санятраву, мукъуву бикIу, хIатта пулан кутIасса ур, пулан лахьисса ур, пуланнал янна лахьисса, кутIасса дур, пуланнал къатри оьккисса дур, щарсса оьккисса дур куну, мунийну ганан чанссавагу асар хьурча – мугу гьибатри. Хаснува аьлимтураяту, шайхтураяту, динналул заллухьруннайту махьату махь учаву, цаманай бугьтан бивхьуссаксса бунагъ буссар. ХIатта хIайванналия махь учавугума къахьинни. Масала: Ца гьибат буллалисса инсаннахь гьибат мабара оьссар увкIукун, мунал учирча, бакъамур буслай акъара, бумурда бусласисса куну – му чапур шайссар. ХIатта Аллагьгу Тааьлланал му гьибат баву цала ивкIусса уссил дикI дукавриха лащан бувну бур. Гьибат байсса инсаннаяту Идавсил عليه السلام рухIиран зарал буссар, малаиктуран зарал буссар, муначIату ми арх шайссар. Мунал рухI аькьубалий ласайссар, гьаттал аьзав цIакьссар, Дуржагьрал агьлур. Мунал бувсса хьинми аьмаллу батIул шайссар, оьшивуртту зияда дайссар. Оьрмулий цал гьибат барчагу Аллагьнал عليه السلام цIимилияту арх шайссар. ХIатта мунал тавба дарчагу Заннал عليه السلام аьфву барчагу Алжаннавун махьва-махьри уххантIисса. Къадурна ивчIарчагу Дуржагьравун хьхьичIа-хьхьичI уххантIиссар. ХIасил, му гьибат рибаъраяр оьссар, зунанияр оьккиссар, оьминнувугу яла оьмур мури. Амма ва заманнаурив, инсаннал зумату буккайсса каламрал бачIи, хIатта чIявумур гьибат бур. Инсаннал бунагьирттал чIявумигу мунийну хьанай бур. Гьарца чIумал иблислул канихь ницIал къуса дикIайссар гьибат буллалинал мазрай дирхьуну, нацIу буллай, гьибат нахIу бизан буллалисса. ХIатта мунил оьшиврул аьламат – хьхьичIавасса заманнаву цаннаяту цаннал гьибат бувукун, мунил къункьал оьккишиврул гьарманан мунил къанкь ришлай диркIссар. Утти заманнаву къаришаврил хIикмат цери чирча, хьхьичIавасса заманнаву гьибат нажагь бакъа къабуллай, мунил къанкьгу нажагь дакъа къаришлай, мунил къункьай аьдат къавхьуну, риршушиву кIул хьанай диркIссар. Утти ва заманнаурив, гьибат чIявушиврул, щала дунияллийх мунил

къанкь ларгун аьдат хьуну къаришайссар, дабагьчийтуран дабагь къатлува дабагьрал къанкь къаришлай, аьдатшиврул мивува канай-хIачIлай щябивкIун бикIайсса кунма, цайми мунил къункьаяту мивун гьан хьун къахьанай буна.

Му гьибат баву хIарамсса кунма, му буллалинах вичIи дишингу хIарамссар. ВичIи диширча бунагьраву мугу шарик шайссар, буллалинах мабара чингу ялувссар. КъаивкIун буллай ухурча, му мажлисрая ивзун лихьанссар. Лихьан къабюхь-



лай бухьурча муних вичIи къадирхьуну Аллагь عليه السلام кIицI лагаврихун машгьул хьунссар, муний инкар бувну, му къаччайгу икIанссар. Му гьибат бувсса мажлисрая изайни тавба-истигьфар бан ялувссар. Мукун гьибатраятту нигьа увсун, мунияту кIура аярча, дунияллийгу Аллагьнал عليه السلام мунацIун кагу бакьинтIиссар, Къияматсса Къини Дуржагьрал цIараятугу уруччинтIиссар.

Цакуну, къаацIан хьуну, му гьибат бувукун, мунай ялувссар му баврия пашмангу хьуну, тавбагу дурну, му цалва гьибат бувну махь увкуманаяту хIалалшивугу ласун. Му ялтту къаувчIуссаксса, мунал аьфву къабайссар. Хаснува мунак му бавну, асар хьуну бухьурча, мунаяту хIалалшиву ласун къабюхьлай бухьурча ивкIуну уну, ягу архну уну, ягу цамур савав дуну, мунаяту истигьфар банссар, мунал аьфву баннав куну, мунаха дуаь дурну. Мукунма, мунак къабавну бухьурчагу, мунаяту истигьфар бар-

ча гьашиву дайссар, куну бур.

Му гьибат бангу цукунчIав рухсса бакъассар, цаппара кIанттаву бакъа. Цайва цаманал зулму бувну, рирщуну, автуну, хьус ларсун, мукунма цайми зараллу бувну бухьурча, хIакимначIан лавгун му бусаву, гьибат бакъари, мукун къабувсун, му цала хIакьйрайн къаиявай тIий. Ягу шаръэсса маслихIат бухьурча, ца оьсса зуна байсса, цурк байсса, чхьир хIачIайсса, цайми оьккисса тIулул дуллай машгьурса инсаннаяту ми дуллай ур увкуну махьа учирча, мунийну бунагъ бакъар. ХIатта му учаву сававрайну му оьккан ивзун, махьми байшлай бухьурча, чире буссар тIийгума бур. Амма бюхьавай къацI бувгьуну хьинни.

Къасттирай зарал бусса щялмахь бусавугу хьун бунагъри. Зарал бакъамурдив, ягу къаст дакъана хавар бакъа буккарча – чIиви бунагъри. Амма даим буслай аьдат хьусса ухьурча, хьярчиран бунугу – му хьун бунагъри. Хьярчирай буслай аьдат хьуманан буниялттунгугу бусан ччантIиссар. Щялмахь бусайшиву кIул хьунаяту вихшала къукьайссар. Халкъуннал ярунниву къювкьуну чIалан икIайссар. Инсаннайсса аьйбирттал яла оьккиминниятур. ХIатта инсаннал щялмахь бувсукун, мунил къункьал оьккишиврияту, муначIату малаиктал арх шайссар гьантлул ххуллий. Щялмахь буслай аьдат хьусса инсан АллагьначIа عليه السلام казибшиврий, фасикьшиврий чичайссар. Мунафикьшиврул аьламатирттал ца – щялмахь бусавури. ХатIаярдал яла хьуними, оьми, оьккими буккайсса щялмахь бусайсса мазраяттури.

Щялмахь бусан рухсса бусса кIанттурдугу буссар цаппара. ХIатта ялувсса ссуннатсса кIанттурдугума бур. Масала: ца инсан най хьунаакьирча, мунал хьиривугу цама му ивчIан, аттан, зарал бан къасттирай най, мунал цIуххирча, га адамина лавгрив, къавкрив – куну. Му къаккавккунни, къалавгунни чин ялувссар, щялмахь бувсун. КIия инсаннал дянив, лас ва щарссанил дянив маслихIат байнигу, бусан ссуннатссар. Ласнал щарссанихь бусангу бучIиссар, му рязи дуллай. Талатаврияту, дяввилуву бусангу бучIиссар. Мукунма цайми иширттаву, шаръэсса маслихIат бухьурча. Ягу бусурманчувнан мюнпат бусса сурат духьурча бусан бучIиссар.

«НасихIату-ль-аьвам» («ГьунчIукьатIан»)

Ттул тавба

Тавбари ттул Заллуй ﷺ, на паиман хъура
Циняв нава бувсса бунагъирттая.
ДаКІ ччурччунни, Аллагъ ﷻ, на хІасрат хъура,
Вийн кІура авссара, оьмур къабивтун.

Ттуривагу базулул бумунияту
Паиман хъуссара на, АстагъфируАлагъ.
Янил, къацІлил, вичІал, каруннал, ччаннал,
Ягу авбратирал, циняв базурдал.

Аьсив, фасикъ шайсса бунагъирттая
Вийн кІура авссара, ххирасса Аллагъ.
Гъибат, бугътан бикІу, зулму, гуж бикІу,
ХІусуд, ламмамшииву, цялмяхъ бусаву.



Зума-чаклибусса ссуссукуъушиву,
Каши хъанай дуна тІааьт къадабу.
РухІ дусса затирай рахІму къабабу,
ХІарамсса кІулнагу ца зад дукаву.

Гъарца бунагъ бумий эьки ливчуну,
Оьмур дувайнацал гьалмахчув къавхъун
Вийн кІура авссара, Гъафуру-р-РахІим.

Ттуйва ялув бувсса гьантлун ххюва чак
Хъирив лахъанна на ттуйва ливчІуцири.
Рамазан зуруву ливчІсса зумарду,
Мийгу хъирив лахъан тти ттул нийятри.

Хъуслий ялув бувсса ххирасса закят,
Музу тІайла банна, ливчІун бухъурча.
Бусурмантурал хІакъ чурххай бухъурча
ХІалалшиву ларсун рязий бубанна.

КІура къааянна на тти бунагърайн,
Чак личІан къабанна бакІ кукъирчагу.
Идавсил ﷻ хъар бубмур хъинну бугъанна,
Карагъат битанна бюхъайсса куцІуй.

КІура къааянна ва тавбалая
Яларай нани цин ларай нарчагу.
Динналул хІукмурду бачин бубанна
Турлих кукъларчагу циняв базурду.

ЩяйтІаннул хияллу эьки личинна,
Гъавалул хъиривгу на къавчинна.
Щалмяхъмур гъаризад хІакъну къариртун
ХІакъсса Динул-Ислам къамул дубанна.

Къамул дуба, Аллагъ ﷻ, на дурсса тавба,
Тавфикъ дула, Заллуй, эбадат дубан.
Тайла ацІан ува тІайласса ххуллийн,
Ризкъину була, Зал, ХІуснул-хатимат.

Шаьбан
Рамазанов

Аькьлу – аьлимтурал ярагъ

Аллагъу Тааьлалан инсаннан дуллумунива яла ххирамур аькьлу хъанахъиссар. Аькьлу буну цалва оьрму бутлатисса инсаннаша бюхъайсар малаиктураяр лавайсса даражалийн иян, аькьлу бакъашивруллив, му хІайвантрал даражанияр ялавай агъан айссар. Ца аьрабнал шаэрнал увкуссар: «Лагънан яла хъинмур – аькьлури, хъиншивурттаву мунияр ларайсса дакъассар». Ца-ца чІумал аькьлу бакъашиврул цІаний инсан лагма-ялтуминнан бакъасса, цанмагуа хайр биян бан къабюхълай личІай, масъала, алко-голиктал, наркомантал. Ца чІумал машгъурса аьлимчув Ибн Мубаракнахъ цІувххуссар: «Ва дунияллий инсанначІа дикІан бюхъаймунива яла багъа лаваймур цир?» – куну. Аьлимчувнал жаваб дуллуссар: «КуртІсса аькьлу. Му бакъахъурча, гъарца ишираву адаб дуруччаву. Мугу бакъахъурча, хъинсса, Аллагъная ﷻ нигъа увсьсса динналул уссу, аьркин хъусса чІумал маслихІат ккаккайсса. Мугу аькьахъурча, чІявуну гьалгъа къатІий, маз бугъуну икІаву. Вай царагу дакъасса ухъурча, мунан яла хъинмур – анаварсса бивкІу». Мияжнунугу, аькьлулийну, адаб дуруччаврийну, ххуйсса гьалмахчувнайхІин, чІявусса гьалгъа къабаврийхІин хъунисса балардаша ххассар хъуну, дунияллий ва Ахиратраву талихІрайн иянсса барачат ласун бюхъайссар. Цанчирча, дуснал насихІатрайну инсан бюхъай мюнпат бусса элму лахълан, хІакъсса устазначІан лавгун тІарикъатрал ххуллий ацІан. Мукунма, дуснал кумаг банссар ХІажлив гъан, мизит, мадраса бан, Аллагъ ﷻ рязисса ххуллийн тІайла увну абадлийсса талихІрайн уцин. Жунма хІакъину му хъинну аьркинсса зат бур...

Абу Хатам тІий ивкІссар: «КьюкІлил ва рухІирал дарунугу, хъунисса имамтурал ярагънугу, Ахиратравусса талихІрал гъаннанугу хъанахъиссар аькьлу». Ялагу ганал увкуссар: «КуртІсса аькьлу бусса инсаннал лажин ккаккан ххуйсса дакъанугу, му цинчІав хІисав къахъун бюхъайссар, амма лажин цуксса ххуйсса дунугу, аькьлу бакъасса ухъурча, му ххуйману къаикІайссар». Ва зат хІисав хъанай бур хІакъинусса кьини жулва инсантураву. Инсаннал аькьлулул даража кІул бан шайсса лишанну дуссар: аькьлу бума хайр бакъасса хавардугу къабуслай, гъарца буллусса суалланухъхъун пикри буну жаваб дуллау уссар. Жунма чІявунну ххал шай, ци-бунугу ца суал буллусса чІумал, аькьлу-кІулли чанма жаваб дулун анавар уккайшиву, аьлимчуврив жавабрал ялув пикри буллау икІайссар. Аькьлу бума икІайссар цалла диялдакъашивуртту кІул дан хІарачат буллау. Учала буссар «Цавурасса диялдакъашивуртту ххал къашайманан цаманал лавайсса даража хІисав къашайссар» тІисса. Аькьлулул гъану цини куну цІуххирча – ци-бунугу ца иш хъуннин, ганил ахирдания пикри баву. Аькьлу бума хъирив лаян къашаймунил хъирив къаагъайссар, бан къашаймуниха зун къаикІайссар, думургу пайда бакъасса чулиннай харж къадайссар. Амма гъарца затрал душмантал буссар, мукунма, аькьлу душмангу хъанахъиссар цаятува рязишиву (оьжбу). Цан чирча, аькьлу бума-нан кІулссар гъарзад цачІара думур Аллагъу Тааьланаясса душиву. Мунияту му уссар гъарца ишираву ссавур дуллау, лагма-ялтуминнаха хІурмат буллау: гъан-маччаминнаха, ЧІаххувраха, кулпат-оьрчІраха. Мукунсса муьминчув тачІав къааьвкьинтІиссар. Аьрщараву кІучІ бувсса гъанна ххялай ялун ливчуну бачайсса кунма, цалва аькьлу ккаккиялун ялун личин къабайманаягу хъунмасса хайр бикІайссар.

Ца аьлимчувнал увкуссар: «Тарикъатрал аьулдануцал сухІбатшиву дурукун, тун бувчІуна махъ учиннин, ина ганил заллу ушиву, махъ учайхтту, га вил заллу бушиву». Циняв бур аькьлу бумину бикІан чай, амма дунияллул неьматирттал хъирив багъаврил цІаний цалва мурадирттайн биян бюхълай бакъар. Аллагъу Тааьлалан жува аькьлу буниннавух ва бусса аькьлу Исламрал ххуллий ишла байминнавух баннав! Амин.

shahbanassalam@gmail.com

Ххира Идавс ﷺ

Жула ххира Идавс ﷺ хъун уванишиврул
Му лавхъусса зурул кьимат гъаз бубан
Мавлудру дуккару гъарца къатлуву
Идавсил ﷻ барачат жуьнмагу ликкан.

Идавсил ﷻ ххирашив хъинну хъуннассар
Ляхъан ув ЗанначІа ﷻ кьимат лавайссар,
Жулва пикрилуца хІисав бан къашай
Мунал лахъ даража цуксса буссарив.

Къиямасса Кьини махІрумну ливчІний,
Аьрасалул ариб бан-бит бухлабний,
Идавсил ﷻ шафааьт чІа учин ччарча
Кавсар царачуя цин хІачІан ччарча,
Ливасрал ххютулу цякІан ччарча,
Эшкъилийнугу дуги ина салават.

Жула ххира Идавс МухІаммадлуя ﷺ
Хъунмасса цукрулий жува буссару
Ляхъан бувса Заннайн –
Бюхттул Аллагънайн ﷻ.

Уттигу яхъусса Идавсил ﷻ наслу
Тарикъатрал шайхтал – мусил силсила
Аллагънал ﷻ нурданул даКІру дуруцІусса
Бунагърая чурхру марцІ бубан ччисса.

Оьккисса цугълурдив арх буцан бубан
Жула даКІурдивун асар бутайсса
Бусурман умматрай даКІру цІуцІусса,
Цал ххулул лавсума чаннайн уккайсса.

Цал чІарав цяивкІма аькьайкьинтІисса
Идавсил ﷻ наслулух Аллагънайн ﷻ цукру.

Элмулул нур

Мурад Даудов

ХІакъинусса кьини, чІявусса жагьилтал ва гайннал нинупу бикІай школа кьуртал буну махъ дуклан буххансса кІану ххал буллау. Нитти-буттал цалва оьрчІру чІярусса арцугу харж дурну жура-журасса ВУЗирттавин дуклан тІайла буккай. Амма ми шагърулул кІанайсса ВУЗирттаву дуклакисса жагьилтал чІявучин личІи-личІисса аьркин бакъасса, зарал ялун буцлацисса иширттавух гьуртту хъанай бур. Жунма кІулли цІанарса чІумуву шагърулдайсса ВУЗирттаву дуклакисса жагьилсса оьрчІру ва душру тІайласса ххуллия бйайкьин буллау, вацІравун буцлай, бусурман куннайн ку кьарши буккан бул-

лай бушиву. Мунин буну жунма чара бакъа марцІсса дин цумурдив кІул буллан аьркинни, цанчирча, Исламрал душмантурал жулла дин зия дан хъунмасса хІарачат буллау бунутІий. Ялув кІицІ лавгсса зарал ялун бияврия бурувччусса, динналул ва светский элмугу ласун бюхъайсса ВУЗ хъанай бур МахІачкъалаливсса Дагъустаннал Исламрал Университет. Университетраву дуклакисса студентгал хъинну ххуйну ялапар хъунсса тагъар дур: уквасса общежитие, компьютерный класс, шаннагу чІумухсса украсса дукра, спортзал. Дарсру кьуртал хъуну махъ оьрчІал ялув бавцІусса тарбия бувултту бур.

Ва университетраву кІива курс бувккуну махъ бюхълай бур бух-

хан светский Теологиялул институтравунгу. Шиву бур факультету: дунияллул экономика, лингвистика, филология, информатика ва цаймигу.

Дагъустаннал Исламрал университетраву мукунма зий буссар шанна шинайсса хъаннинсса отделение. Шикку душваран динналул кІуллишиву дакъасса, гъарца хъамитайпалул оьрмулуву лякьайсса, аьркин шайсса кулпатрал багъу-бизугу лахъхъин буллау бур.

Аллагъу Тааьлалан жунма буллусса неьматрах багъайкун цукру къабарча, му неьмат махъунмай ласайссар. Мунияту, бюхълай бунува жува хІарачат бан аьркинни тІайласса динналул элму лахъхъин! Аллагънал ﷻ кумаг баннав!

Исламрал рухІ

ИхІсан ссайн учайссар?

Оьмар-асхІаблул ﷺ бувсьсса хІадис бур: «Жу буссияв Расулулагънащал щябивкІун. Му чІумал жучІан увххуна ца инсан, хьинну ххуйсса яннардавухса ва хьинну ххуйсса лажин дусса. Жува-тусса щинчІав га кІулсса акъая, амма ганай сапарданул асаргу чІалай бакъая. Га инсан Идавсил ﷺ хьхьичІ щяивкІуна, цала никругу ганал никирттайн шун дурну ва цалла кару Идавсил ﷺ ликкурттай дирхьуну. Ганал увкуна: «Я МухІаммад буси ттухъ Исламрая». Расулулагънал ﷺ увкуна «Шагъадат дутаву, чак баву, закят букъаву, зума дугъаву, бюхълай бухьурча хІаж баву». «Пайлассар» – увкуна ганал. Яла ганал увкуна: «Буси ттухъ Иманналия» – куну. Идавсил ﷺ увкуна: «Аллагънайн ﷺ Иман дишаву, малаиктурайн Иман дишаву, Луттирдайн Иман дишаву, Идавстурайн Иман дишаву, Къиямасса Къинилийн Иман дишаву, Къадарда-

акъасса кІанай жува цама инсаннал хьхьичІ къадайсса тІуллу дуллан бикІару. Жулва бакІравун пикри буххай, му тІул инсаннал хьхьичІ дурсания, хьинну нач хьунссия тІисса. Амма жува Аллагъная ﷺ нач къадурну, Заннал ﷺ аьзабрая нигъа къабувсун, инсантурая ва инсантурал мазрая нигъа бусар.

ИхІсан хъанахъиссар Исламрал рухІнугу, къюкІнугу, оьрмунугу. ИхІсаннул Иман ва Ислам камил дайссар. Бусурманчув ухьурча Исламрал гьарца фарзру биттур буллай: чак, закят, хІаж ва цаймигу, ИхІсан дакъа дурсса эбад-траву рияъ шаврил нигъ дуссар. Цамур куццуй учин, дуллалисса эбадат Аллагънахлуну ﷺ дансса марцІсса нийят дакъа-хьурча, ккаккиялун дуллан бюхъайссар. Мукунна Иманналуву ИхІсан дакъахьурча, инсан нифакъравун агъан бюхъай, мазрах тІутимур къюкІливу бакъанутІий.

му ххуллисса циняр захІматшивуртту цала муриднан ккаккан дан бюхъайсса.

МухІаммад Идавсил ﷺ увкусар: «Къиямасса Къини гьарцаннахъ цІуххинтІиссар цалва чурх ва рухІ зарал бумунища дуруччаврия». Муният, инсаннал цалчинсса бурж – чурх ва рухІ цІуллуну ядан. Му цукун ядайссарив лахъхьин баншиврул Аллагъу Таьланал халкъунначІан 124 азара Идавс гъан увссар, Адам ﷺ идавсия байбивхьуну МухІаммадлуи бияннин.

Инсан ивкІукун, ганал чурх аьрщараву аьвну бухлаглай бур, рухІрив абадлий личІайссар, мури Къиямасса Къини Аллагънал ﷺ хьхьичІ дацІантІисса. Мунил марцІшивруйнур инсаннал Ахиратравусса хІал хІасул хьунтІисса.

Бунагъру чІяву хъанахъиссаксса, инсаннал къюкІ лухІи лаглай, рухІирал цІуцІавуртту гуж хъанай, марцІну, дакІнихтуну эбадат дан дахчилан дикІайссар. Яла нигъачІийсса ва хъин дан захІматсса рухІирал цІуцІавуртту хъанахъиссар гьибат, бугътан, пахру, дакІ хьуншиву, хІусудшиву, мяшшиву, нифакъ, рияъ, ва цаймигу. Идавсил ﷺ хІадисраву бувсун бур, инсаннал аьмал цалчинмур ссавнияр лавай гъаз къашайшиву, ми дакІнихтуну, ИхІсанналий, Аллагънал ﷺ цІаний бувсса бакъахьурча. Вай цІуцІавурттал инсаннал хьинсса аьмаллу ччуччин байссар, Къиямасса Къини цичІав дакъа личІан бюхъайссар. Утти цири бан аьркинсса? Мий цІуцІавуртту цукунни хъин дантІисса? Бюхъайссарив муьмичувнаща цащара мий цІуцІавурттая хъин хьун?

Вай ялув кІицІ ларгсса къашайшивурттая инсан хъин ан кумаг байсса Исламравусса элмулийн Тасавуф, Суфизм, ягу Тарикъат учайссар. Мий хъин дайсса духтуртурайн устазтал, шайхтал, муршидтал учайссар. Миннава цалчинмагу жула МухІаммад Идавс ﷺ ивкІссар. Ганал увкусар: «На ва дунияллийн тІайла увсара халкъуннал хасият, тІабиабт дакъин дан». Къиямасса Къини дучІаннингу Аллагънал ﷺ валиитурал – шайхтурал силсила дачинтІиссар. Машгьурсса шайх, тарикъатрал имам АхІмад Фарукьул (Имам Раббани) увкусар: «Накъшубанди тарикъат Къиямасса Къини дучІаннин дикІантІиссар, ва тарикъатрал махъвамахъсса устазгу – Къиямасса Къини гъан хьувкун уккантІисса имам Магъди икІантІиссар» – куну.

Хьунасса аьлимчув имам Ибн ХІажар аль-Гъайтами чичІлай ур, ИхІсан так тасавуфраву душиву. Цамур куццуй учин, Тарикъатралли инсан ИхІсаннул даражалийн иян айсса.

www.islamdag.ru сайтрава



нийн Иман дишаву». «Ина тІайлану бувсунни» – увкуна га адиминал. Яла: «Буси ттухъ ИхІсанналия» увкуна. Расулулагънал ﷺ жаваб дуллауна: «ИхІсан учайссар, дакІнихтуну эбадат даврин вина Аллагъ ﷺ чІалай усса куна, вин Аллагъ ﷺ чІалай акъанугу, хІакъну Аллагънайн ﷺ ина мудан чІалачІиссара». Ва хІадисрайну жунма бувчІлай бур ИхІсан – диннул шамулчинмур тарцІ душиву. Цамур куццуй учин, ИхІсан хъанахъиссар мукун, жуна Аллагъ чІалай усса куна дакІнихтуну эбадат даву, чІалай акъанугу, гьарца жува буллалимур ва тІутимур КІанан ﷺ чІалай бушиву хъама къабивтун.

Гьарца муьмичувнан кІулли Аллагънан ﷺ гьарзат чІалай душиву, баллай бушиву, аммарив, ца-ца чІумал, цучІав

ИхІсан дума цавалу унугу, инсантураву унугу, мудан Аллагънайн ﷺ мютІийну икІайссар, мютІийшиву дакъа дурсса эбадатра мюнпат къбикІайнутІий.

Бюхъайссарив инсаннаща мукунсса ИхІсан дусса даражалийн иян? Буссарив мунийн жува биян байсса ххуллурду?

ИхІсаннул даражалийн ияншиврул инсаннан аьркинни хьхьичІва-хьхьичІ цалла дакІнивусса ххуй дакъасса хасиятирттая марцІ хьун. ХІакъсса шайх акъасса инсаннаща ми хасиятру цалла къюкІливу хІисав хьуну, минния марцІ хьун къабюхъайссар. Муният, гьарца инсаннан кІулну бикІан аьркинссар, марцІну эбадат дуллан хьуншиврул мунал уттавацца устаз икІан аьркиншиву, цувагу му ххулийх лавгсса ва

Яла Бюхттулмур ЦІа

Суфийтурал бусала

Юсуф бин ХІусайнун бавну бур машгьурсса аьлимчу ва суфий Зу-н-Нун аль-Мисрийнан Аллагънал ﷺ яла Бюхттулмур ЦІа кІулну душиву, мунийну дурсса дуаъ къамул шайсса. Юсуфун ччан бивкІун бур га ЦІа кІул дан. Юсуф Египетнавун лавгун, Зу-н-Нун лавкъуну ур. Цал Зу-н-Нун ганах увагу къаурувгун ур. Цаппара хІаллава Зу-н-НунучІан ца инсан увкІун бяст буллан ивкІун ур. Зу-н-Нунул ганал тІимур тІайла бакъашиву ккаккан бансса цичІав къаувкуну бур. Му чІумал Юсуф хІала увххун, га инсаннащал бяст бувну, ганаяр ххув хьун ур. Микку Зу-н-Нунулгу мунах къулагъас дурну дур. Юсуфлул ца шин хьуну дур Зу-н-Нунуха къулугъ буллай. Шин ларгун махъ ганал куну бур: «Тун бавунни вин Аллагънал ﷺ яла Бюхттулмур ЦІа кІулну душиву. На щаллусса шиной виха къуллугъ буллай уссияв. Утти ттун ччива ина му ЦІа ттунгу лахъхьин дурну. Му лахъхьин дан ттуяр лайкъсса вин цучІав къалякъинтІиссар».

Гай махъру бавукун, Зу-н-Нун кІура авну лавгун ур. Ряхва зуруй Зу-н-Нун Юсуфлушал зума къаахълай ивкІун ур. Ца къини Зу-н-Нун ганачІан увкІун, ца къалакъи дирхьусса, ялтту аццигу дархІусса кІичІу буллуну, «Насу чІаравсса шагьрулийн лавгун, ттул гьалмахъчувначІан ва кІичІу биян ба» – куну бур. Юсуф ххулийн увккун ур. Га ссаур дан къабюхълай ивкІун ур, кІичІулуву ци дурвав тІий. ЯхІ бан къавхьуну, дахърасса къалакъи гъаз дурну гивун урувгун ур. Гиву ца чІивисса кІулу ххал хьувкун, Юсуф хьинну махІаттал хьуну ур. Къалакъи лакъин ччисса чІумал га кІулу тІанкІ дурну кІичІулува бувккун, ганачІату ливхьун бур. Зу-н-Нунул цува хайр бакъасса даву дан гъан увунна тІий, ссигу бивзун Юсуф махъунай зана хьуну ур. Га увкІукун, Зу-н-Нунул увкуну бур: «На вийн чІивисса кІулу тапшур бувссия, вища мувагу ябуван къавхьунни. Аллагънал ﷺ яла Бюхттулмур ЦІа на вин тапшур цукун дави?» – куну.

ХІамзат-Афанди
Гитиномагомедов

Ка дугъаву

ХІакъину жулва инсантураву чІявусса бунагьирттал лахъисса мархри итабавкъуну, ми аьдатирттаван бувххун, цаппарассаннал миннух къулагъасрагу къадувай. Мукунсса бунагьирттава ца хъанай бур чил хъаннихъхьун ка дулайсса хасият. Му гьарца кІанай хьун бюхъайсса бунагъ бур – даврий архІал зузисса, цачІу дуклакисса, ца шьраватусса, гъансса ягу укунма куннан-ку кІулсса адимина ва хъамитайпа хьуна бавкьукун. Ца-цавай кІанттурдай ка дугъаву хъа-амала багъаврийн ягу ппай учаврин кІура дарнугума дур.

Шариаьтрайн бувну му хІарамсса зад бушиву кІулну бакъахьурчагума, адиминан лайкъ бакъассар хъаннихъхьун ка дулаву. Циняв Исламрал аьлимтурал тІимунин бувну, чил хъаннихъхьун ка дулаву хІарамссар. Му хІалалсса бивкІисания, МухІаммад Идавсилгу ﷺ ка дулайсса дикІантІиссия, хъаннияту байабт ласайсса чІумал. Муьминтурал нину, Идавсил ﷺ кулпат Аьйшат ﷺ буслий бур, хъаннил Ислам къамулгу дурну, цурк къабан, зуна къабан, цалва оьрчІру ликъатІлан, Идавсил ﷺ увкумунил хьирив бачин хъа буллалисса чІумал, МухІаммад Идавсил ﷺ миннахъхьун ка къадулайсса диркІшиву. Мукунма, Тирмизил ва Насаил бувсьсса хІадисраву МухІаммад Идавс ﷺ тІий ур: «На хъаннихъхьун ка къадулара».

Бур цаппара бусурман, Абу ХІанифал мазгъабрайн бувну хъамитайпалуи ка лаярча, чаклин иссаву къалияйссар, мунийн бувну, хъаннихъхьун ка дулунгу бучІиссар, тІисса. Му хьинну тІайла бакъасса пикри хъанахъиссар! Чаклин иссарил ва ка дугъаврил ци дахІаву дуссар? Масыала, чаклин ивссусса инсаннал ци-дунугу дацирча, мунал иссаву къалияйссар, аммарив ванин бувну цурк баву – жулла динналин бувну хьинну хьунсса бунагъ – хІалал хъанай бакъархха!

Идавсил ﷺ увкусар: «Чил хъамитайпалул ка дургьунунияр, вилва бакІравух ххалаххи бавкъуну хьинссар» – куну. Цинявпагу бусурман Исламрайн бувну оьрму бутлан хІарачат булланссар тІисса умуд бур, цанчирча, муниву дунияллул ва Ахиратарал талихІ бунутІий.

Хъамитайпалул ка дугъан бучІиссар так му вилла щарсса ягу махІрамсса хъамитайпа бухьурча.

Инсаннан, кулпатрал багъу-бизулун зарал биян байсса циняр аьдатру Исламрал хІарам дурссар. Мукунсса аьдату хъанахъиссар чил хъаннихъхьун ка дулаву. Аллагънал ﷺ жухъхьунма тавфикъ булунав динналуцІун дакъаркусса аьдату къадитан. Амин.

8-928-...-96

БучИссарив оьрчIан ласнан ччисса, щарссанил дакI къананисса цIа дизан?

БучИссар, му бусурманнал цIа духьурча. Нитти-буттал цалчинса буржну хъанахИссар оьрчI бувукун, ганан жулла бусурман динналувасса цIа дизан. Жулва оьрчIан дулайсса цIарду Аллагьнан * ххирасса цIардавасса дикIан аьркинссар. Цирич, чарив къакулИсса, Запандра дуркИсса, кинордаву ххал хьусса инсантурал цIа ххуй дирзун, мукунсса цIарду дулла миннаха лашан жунма къабучИссар. Идавсил ** хIадисраву бур: «Цумий бухьурчагу цавай инсантураха лашин хIарачат буллалима – миннавасса» - тий. Аллагьнан * ххирасса, бусурмансса цIарду хъанахИссар: Абдуллагь, АбдурахIман, АбдурахIм, АхIмад, МухIаммад. Хъаннил цIардава: ФатIимат, Асият, Хадижат, Марьям. Инсаннал хасият сакин шавриву мунал цIанил хьунмасса клану бугайссар. Къиямасса Къинигу инсаннайн оьвтIунтIиссар ганал ва ганал буттал цIанийну.

8-960-...-84

Садакья къюлтIну буллу хьинссарив ягу чIалай буллу хьинссарив?

ЩинчIав кIул къахьунну, къюлтIну буллумур садакья ххирассар. МухIаммад Идавсил ☞ увкуссар: «КъюлтIну буллу садакья арулцIалилва ххирассар чIалай буллумунир». Масъала, цу-унугу ухьурча, мискинсса инсаннан 20 къурушрансса 10 къурушран дахлай, ягу 10 къурушрансса зат мискиннаца 20 къурушран машин ласлай, мугу къюлтIсса садакья хъанахИссар.

Садакья буллалисса инсан халкъуннаву хIурмат бусса, цайминнал эбрат ласун бюхъайсса ухьурча, мунал садакья чIалай буллу хьинссар, мунах бурувгун цайминналгу булланшиврул. Амма му чIумал мунал къюкливу рият (ккаккялун булаву) хъанай духьурча, муналгу къюлтIну булаву хьинссар (ФатхI-уль-Муэн).

8-928-...-20

Садакья щин буллу хьинссар?

Яла хьинмур садакья мискинса гъан-маччаминнан буллумурди. Ца чIумал цавай хъаннил Билял-АсхIабнахь ☞ миннат бувссар, ганал Идавсихь ☞ цIуххиншиврул, садакья цалва ласурваврач ва оьрчIан булурча гъассарив, куну. Идавсил ☞ увкуссар: «Мукун садакья байсса инсаннан кIива чири буссар. Цалчинмур – садакья буллу тий. КIилчинмур – гъанса инсаннан буллу тий». Ялагу МухIаммад Идавсил ☞ увкуссар: «Валлагь, цалва гъан-маччамий мюхтажну бунува, чил инсантуран буллу садакья Аллагьнал ☞ къамул къабайссар». Идавсил ☞ купат Аьшиятлул ☞ цIувххуссар: «Я Расуллагь, ттул кIивайва чаххул бур, на миннава цуминнан булуви садакья?» – куну. Идавсил ☞: «Вилва къатлучIан гъанну яхъанахьминнан була» увкуссар (ФатхI-уль-Аьллам).

8-963-...-73

КутIасса кахри дусса гьухьуву чак бан бучИссарив?

БучИссар араутуннан, амма лахьисса кахри духьурча хьинссар. Хъаннил кIутIасса кахри дусса гьухьуву бувсса чак къахIисавссар.

8-928-...-63

БучИссарив бусурманнан къавтIун?

Араутал ва хъами хIала къабувххун, куннан-ку къачIалансса ва чIурду къабаллансса кланай бухьурча къавтIун бучИссар. Араутуннал ва хъаннил къавтIавуртту цанниха ца лархьхьусса дикIан къабучИссар.

8-928-...-58

Совет хIукуматрал чIумал магьар къабивхьунма хъатIи бувну, архIал ялапар хъанахИсса инсантуран ци бан аьркинссар?

Чара бакъа шайкун анаварну магьаргу бивхьуну, дакIнихтуну тавба дан аьркинссар.

8-988-...-67

Ттул лас хьхьиривун оьвкъун, ганал жаназа къаляркъуссар. БучИссарив ганаха зикри буккин?

Ганаха зикри букин, Кьуръан буккин, садакья бачIин бучИссар. Мунаха так ца жаназул чак бан къабучИссар, цан чирча, чак баншиврул жаназу цама инсаннал шюшин аьркинссар.

8-928-...-50

Чаклий цIакьну акъана устазначIату вирд ласун бучИссарив?

Тарикъатрал вирд ласаврил мурад – Аллагь Тааьлал инсаннай бивхьусса бурж битгур буллан, Имандалугу, Исламралгу рукнурну тамамну, гьарца дакIнил цIуцIавурттаягу марцIну Аллагьнахлуну эбадат дулланшиврулли. Мукун бухьукун, чаклий цIакьну акъанса инсаннайгу ва цайминнайгу ялувссар Тарикъат ласун. Тарикъатралли инсан марцI увайсса ми цIуцIавурттая. Кьуръанналувугу, Идавсил ** хIадисиртавугу тарикъатрая чIавуну чивчуну буссар. Цавагу Шариаьтрач ягу Тарикъатрал луттираву чак къабайсса, ягу цама инсаннан устазначIату вирд къабучИссар тий бакъассар. Ялунгу, тарикъатравун уххайссар чакгу, цайми эбадатругу цIакь хьун, камил хьун.

8-961-...-92

Кьуръан буккин къакулИсса инсаннал ливтIусса гъан-маччаминнах ци дуккин аьркинссар?

Жула Идавсил ☞ увкуссар: «Шамийлва сурат-уль-Ихляс (Кьулгьу) бувкума – щалва Кьуръан бувкума кунассар». Муният, Кьуръан буккин къакулхьурча, цал сурат-уль-ФатихIа (АльхIам), шамийлва Кьулгьу бувкуну, дуаь дурну Аллагьнахь ☞ гайннухсса чири ливтIуминнал рухIирдайн биян баву чIа увкуну хьинссар.

8-988-...-94

На ца инсаннан будин куну буссияв. Ца щинай га ия гьарца аьркинмунил на щаллу буллай. Утти на ганан шар хьун най бакъара. Га ур тгуйн харж дурсса арцу махьуннай тIалав дуллай. На мий арцу зана дан аьркинссарив?

Ми арцу (ягу цамур хьус) ганал ина цанма шар хьуншиврул дуллай ивкIхьурча, ихтияр дуссар харж дурмур махьуннай тIалав дан. Аммарив, укунна бахшишран дуллай ивкIхьурча, мукунсса ихтияр дакъассар (Иаьнагу-ат-Палибин).

**ХIурмат бусса уссурвал ва ссурвал!
Зунма цIуххин ччисса, Ислам-рацIун,
ШариаьтрацIун, кулпатрал багъу-бизулуцIун бавхIусса ва м.ц.
суаллу гъан бан бюхъайссар SMS
– райхчIин вай номердайн:
8-928-580-37-89
8-928-671-99-03**

8-928-...-79

Нюжмар кьини янна шюршюну къахьинссар тIисса зат тIайлассарив?

КъатIайлассар. Му ШариаьтрацIун къадаркъусса аьдатри.

8-988-...-53

БучИссарив зума дургьусса чIумал къацI вилаган?

БучИссар, шин дюккъакъансса куццуй.

8-928-...-27

Жул шяравусса хъаннил чил араутурахь жижара бувай. БучИссарив мукун буллан?

Жагьилсса хъамитайпалун чил адиминахь (махIрам ягу лас акъанса) жижара бан къабучИссар, хIарамссар. Мукунма, чил адиминал цихьва жижара барча, мунил жаваб дулунгу хIарамссар.

Адимиал жагьилсса чил хъамитайпалухь (махIрамсса хъами ва щарсса дакъанса) жижара баву къахьинссар, карагъатссар. Мукунма, жагьилсса чил хъамитайпалул бувсса жижаралийн жаваб дулунгу карагъатссар.

Жижара бувну къахьинссар къастирай чак къабитайманахь, бидъаьчинахь, дин къадиртманахь (муртад), Исламрал душманнахь (ФатхI-уль-Аьллам).

8-928-...-60

БучИссарив бусурманчуннан татуировка дан?

КъабучИссар. Шариаьтрай бувну му хIарамссар

Рузнама

Май

Кьини	КIорххил чак	Баргь-буккаву	Ахттайн чак	Ахттакьун чак	МаркIачан чак	ХъатIан чак
1	3.47	5.40	13.00	16.39	19.52	21.31
2	3.45	5.39	13.00	16.40	19.53	21.32
4	3.43	5.36	13.00	16.41	19.55	21.35
6	3.40	5.34	13.00	16.41	19.57	21.38
8	3.35	5.30	13.00	16.42	19.58	21.41
10	3.31	5.27	13.00	16.42	20.01	21.44
12	3.27	5.27	13.00	16.43	20.04	21.47
14	3.24	5.25	13.00	16.43	20.06	21.50
16	3.20	5.23	13.00	16.44	20.08	21.53
18	3.16	5.21	13.00	16.45	20.10	21.57
20	3.12	5.19	13.00	16.45	20.12	22.00
22	3.10	5.17	13.00	16.46	20.15	22.05
24	3.08	5.16	13.00	16.47	20.16	22.08
26	3.05	5.14	13.00	16.47	20.18	22.11
28	3.01	5.12	13.00	16.47	20.20	22.13
30	2.59	5.12	13.00	16.48	20.21	22.16

Зунттал районнай ахттакьун чак байссар 10 минутIрал чIалну, маркIачан чак – 5 минутIрал чIалну.